

Klub SDA

Zastupnik u Skupštini Kantona Sarajevo

Fikret Prevljak

Ministarstvo zdravstva Kantona Sarajevo

JU Dom zdravlja Kantona Sarajevo

U skladu sa Poslovníkom Skupštine podnosim inicijativu prema Ministarstvu zdravstva Kantona Sarajevo i JU Dom zdravlja Kantona Sarajevo da se u Organizacionu jedinicu Dom zdravlja Ilidža primi određen broj ljekara i medicinskih sestara/tehničara, a kako to zahtjevaju standardi i normativi iz oblasti zdravstvene zaštite a u odnosu na broj stanovnika

Obrazloženje:

Česte su pritužbe građana na otežano funkcionisanje zdravstvene zaštite Općine Ilidža. Pritužbe su osnovane jer je proces rada ugrožen.

Evidentan je nedostatak kadra , prije svega ljekara na školskom i predškolskom dispanzeru te obiteljskoj medicini. Oprema se ne održava i česti su kvarovi čije popravke traju i nekoliko godina.

Unazad 5-6 godina na predškolskom dispanzeru Domu zdravlja Ilidža radilo je 5 pedijatar a sada samo 3, u dispanzeru za školsku djecu je također radilo 5 ljekara od čega 3 pedijatra, jedan specijalista školske medicine i jedan doktor medicine, a sada rade dva ljekara često i jedan te se djeca u popodnevnoj smjeni vode na obiteljsku gdje su ogromne gužve.

U obiteljskoj medicini je većina timova popunjena, i ne može se reći gdje ste registrirani jer se timovi stalno preklapaju i pokrivaju jedni druge (u slučaju

trudničkih bolovanja, i drugih odsustava).Očigledno je da ne postoji dovoljan broj timova.

Potrebe kadra se računaju na 60.417 stanovnika na nivou JU Dom zdravlja Kantona Sarajevo, a po podacima Federalnog zavoda za statistiku broj stanovnika na Ilidži je 71.471, dok je realan broj znatno veći i prema podacima iz Općine Ilidža broj stanovnika je preko 90.000. Na navedenu razliku stanovnika planirano je u startu -5 timova, plus odsustva ljekara sa trudničkih i dugih bolovanja, godišnji odmori,specijalizacije i drugo je razlogom nedostatnog broja kadra.

Nismo sigurni da li je kadar u JU Dom zdravlja Kantona Sarajevo ravnopravno raspoređen i dali su ostale općine u sličnoj situaciji. Napominjemo da je Općina Ilidža druga po broju stanovnika u Kantonu Sarajevo.

Stanovnici Općine Ilidža.